

中華經典醫書

主編 錢超塵

主審 黃泰康 李經緯

第二集



中國醫藥科技出版社

傷寒金匱

《中華經典醫書》總目錄

第一集 醫經

黃帝內經素問(王冰注)

黃帝內經靈樞(明無名氏覆刻宋本)

難經集注

脈經

第二集 傷寒金匱

宋本傷寒論

金匱玉函經

新編金匱方論

唐傳本傷寒論

伊尹湯液經

金匱玉函經二註

第三集 古佚醫書覆刊

《太素》缺卷覆刊

《小品方》殘卷

《黃帝內經明堂經》殘卷
《黃帝內經明堂》輯復
新雕孫真人千金方
真本千金方

第四集 本草

神農本草經

湯液本草

本草綱目拾遺

神農本草經百種錄

本經逢原

本草衍義

第五集 方劑

普濟本事方

太平惠民和劑局方

嚴氏濟生方

醫方集解

串雅內編

申雅外編

第六集 鍼灸骨傷外科

十四經發揮

鍼灸大成

劉涓子鬼遺方

仙授理傷續斷秘方

釐正按摩要術

外科理例

外科正宗

第七集 內婦兒五官導引

內外傷辨惑論

脾胃論

理虛元鑒

婦人大全良方

傅青主女科

幼科發揮

審視瑤函

內功圖說

第八集 醫案醫話

臨證指南醫案

古今醫案按

冷廬醫話

格致餘論

醫學源流論

第二集書目

宋本傷寒論·····	一
金匱玉函經·····	四三三
新編金匱方論·····	五二七
唐傳本傷寒論·····	六〇五
伊尹湯液經·····	八七七
金匱玉函經二註·····	九六九

漢·張仲景述
晉·王叔和撰次
宋·林億校正
明·趙開美校刻
沈·琳全校

宋本傷寒論

錢超塵
點校

點校說明

《宋本傷寒論》以北京圖書館藏《仲景全書》（縮微膠卷）中之《傷寒論》為底本（北京圖書館《仲景全書》藏書號為no 1499，注云：『《仲景全書》二十六卷，張機（漢）撰，趙開美（明）輯刻，明萬曆間刻本，十行十九字（18.2×12.5），五册』），以人民衛生出版社一九九一年六月出版之《傷寒論校注》（劉渡舟主編、錢超塵副主編）、日本旭洋社一九九一年六月據日本安政三年丙辰（一八五六年）《翻刻宋版傷寒論》而影印之《翻刻宋版傷寒論》、一九八八年十月日本北里研究所附屬東洋醫學總合研究所醫史文獻研究室影印之《明趙開美本傷寒論》（按即通稱之《宋版傷寒論》）三書為校本，對《宋本傷寒論》標點校勘。為便讀者研讀，於《傷寒論》三陰三陽以及諸可與不可諸條均標以序號，卷七第十五節（含）後之諸可與不可有些條文不見三陰三陽，則條文序號闕如。《宋本傷寒論》自卷二第五節《辨太陽病脈證并治》（含）至卷十第二十二節《辨發汗吐下後病脈證并治》均有子目（第十八節十九兩節無子目），成無己《注解傷寒論》以為贅文而刪之。孫思邈《千金翼方》卷九卷十之《傷寒論》（本書稱之為《唐傳本傷寒論》）、《金匱玉函經》均無子目。子目用來統計《傷寒論》之證數、法數、方數。林億《傷寒論序》云：『張仲景傷寒論十卷，總二十二篇，證外合三百九十七法，除複重，定有一百一十二方。』仔細研考子目，可得三百九十七法出處，是刪子目無裨於原書也。今於各節子目條文之首標以序號，其序號以三陰三陽之序號為準；為與三陰三陽之序號相區別，三陰三陽之序號以1、2、3、4等標識，子目以①、②、③、④等標識。《傷寒論》之書，史志著錄，歧互紛繁，流傳演變，紛如素絲，卷末附《後記》一文，以觀自叔和之後至北宋治平校定雕版之前《傷寒論》流傳演變之迹。凡為六考：（一）《張仲景事狀及著作考》；（二）王叔和與《脈經》所錄《傷寒論》考；（三）《傷寒雜病論》在六朝之流傳考；（四）淳化本傷寒論（殘卷）校注與考證；（五）敦煌傷寒論（殘卷）校注與考證；（六）宋本《傷寒論》研究與考證。

刻仲景全書序

歲乙未，吾邑疫厲大作，予家臧獲率六七就枕席。吾吳和緩明卿沈君南昉在海虞，藉其力而起死亡殆徧，予家得大造於沈君矣。不知沈君操何術而若斯之神，因詢之。君曰：『予豈探龍藏秘典，剖青囊奧旨而神斯也哉？特於仲景之《傷寒論》窺一斑兩斑耳！』予曰：『吾聞是書於家大夫之日久矣，而書肆間絕不可得。』君曰：『予誠有之。』予讀而知其爲成無己所解之書也。然而魚亥不可正，句讀不可離矣。已而購得數本，字爲之正，句爲之離，補其脫略，訂其舛錯。沈君曰：『是可謂完書，仲景之忠臣也。』予謝不敏。先大夫命之：『爾其板行，斯以惠厥同胞。』不肖孤曰：『唯唯。』沈君曰：『《金匱要略》，仲景治雜證之秘也，盍並刻之，以見古人攻擊補瀉、緩急調停之心法。』先大夫曰：『小子識之！』不肖孤曰：『敬哉。既合刻，則名何從？』先大夫曰：『可哉，命之名《仲景全書》。』既刻已，復得宋板《傷寒論》焉。予曩固知成注非全文，及得是書，不啻拱璧，轉卷間而後知成之荒也，因復併刻之，所以承先大夫之志歟。又故紙中檢得《傷寒類證》三卷，所以櫟括仲景之書，去其煩而歸之簡，聚其散而彙之一。其於病證脈方，若標月指之明且盡，仲景之法，於是粲然無遺矣，乃併附於後。予因是哀夫世之人，向故不得盡命而死也。夫仲景殫心思於軒岐，辨證候於絲髮，著爲百十二方，以全民命。斯何其仁且愛，而躋一世於仁壽之域也！乃今之業醫者，捨本逐末，超者曰東垣，局者曰丹溪已矣；而最稱高識者，則《玉機微義》是宗，若《素問》、若《靈樞》、若《玄珠密語》，則嗒焉茫乎而槩知旨歸。而語之以張仲景、劉河間，幾不能知其人與世代，猶靦然曰：『吾能已病足矣，奚高遠之是務？』且於今之讀軒岐書者必加誚曰：『是夫也，徒讀父書耳，不肢兵變已。』夫不知變者，世誠有之。以其變之難通而遂棄之者，是猶食而咽也，去食以求養生者哉，必且不然矣。則今日是書之刻，烏知不爲肉食者大嗤乎！說者謂：『陸宣公達而以奏疏醫天下，窮而聚方書以醫萬民，吾子固悠然有世思哉。』予曰：『不，不！是先大夫之志也！先大夫固嘗以奏疏醫父子之倫，醫朋黨之漸，醫東南之民瘼，以直言敢諫，醫諂諛者之膏肓，故躋之日多，達之日少。而是書之刻也，其先大夫宣公之志歟？先大夫歿，垂四年而書成，先大夫處江湖退憂之心，蓋與居廟堂進憂之心同一無窮矣。』客曰：『子實爲之，而以爲先公之志，殆所謂善則稱親歟？』不肖孤曰：『不，不！是先大夫之志也！』

萬歷己亥三月穀旦海虞清常道人趙開美序

傷寒論序

夫《傷寒論》，蓋祖述大聖人之意，諸家莫其倫擬。故晉皇甫謐序《甲乙鍼經》云：『伊尹以元聖之才，撰用《神農本草》以爲《湯液》，漢張仲景論廣《湯液》，爲十數卷，用之多驗。近世太醫令王叔和，撰次仲景遺論甚精，皆可施用。』是仲景本伊尹之法，伊尹本神農之經，得不謂祖述大聖人之意乎？

張仲景《漢書》無傳，見《名醫錄》，云：『南陽人，名機，仲景乃其字也。舉孝廉，官至長沙太守，始受術於同郡張伯祖，時人言，識用精微過其師。』所著論，其言精而奧，其法簡而詳，非淺聞寡見者所能及。自仲景於今八百餘年，惟王叔和能學之。其間如葛洪、陶景、胡洽、徐之才、孫思邈輩，非不才也，但各自名家，而不能修明之。開寶中，節度使高繼冲曾編錄進上，其文理舛錯，未嘗考正。歷代雖藏之書府，亦闕於讐校，是使治病之流，舉天下無或知者。國家詔儒臣校正醫書，臣竊續被其選。以爲百病之急，無急於傷寒，今先校定《張仲景傷寒論》十卷，總二十二篇，證外合三百九十七法，除複重，定有一百一十二方。今請頒行。太子右贊善大夫臣高保衡、尚書屯田員外郎臣孫奇、尚書司封郎中祕閣校理臣林億等謹上

國子監準尚書禮部元祐三年八月八日符元祐三年八月七日酉時，準都省送下，當月六日勅中書省勘會下項醫書，冊數重大，紙墨價高，民間難以買置，八月一日奉聖旨，令國子監別作小字雕印。內有浙路小字本者，令所屬官司校對，別無差錯，即摹印雕版，併候了日，廣行印造，只收官捉工墨本價，許民間請買，仍送諸路出賣。

奉勅如右，牒到奉行，前批八月七日未時，付禮部施行。續準禮部符元祐三年九月二十日準都省送下，當月十七日勅中書省尚書省送到國子監狀，據書庫狀，準朝旨雕印小字《傷寒論》等醫書出賣，契勘工錢，約支用五千餘貫，未委於是何官錢支給，應副使用，本監比欲依雕四子等體例，於書庫賣書錢內借支，又緣所降朝旨，候雕造了日，令只收官紙工墨本價，即別不收息，慮日後難以撥還，欲乞朝廷特賜應副上件錢數，支使候指揮尚書省勘當，欲用本監見在賣書錢，候將來成書出賣，每部只收息壹分，餘依元降指揮。奉聖旨，依國子監主者，一依勅命指揮施行。

治平二年二月四日進呈，奉聖旨鑲版施行。

朝奉郎守太子右贊善大夫同校正醫書飛騎尉賜緋魚袋臣高保衡

宣德郎守尚書都官員外郎同校正醫書騎都尉臣孫奇

朝奉郎守尚書司封郎中充祕閣校理判登聞檢院護軍賜緋魚袋臣林億

翰林學士朝散大夫給事中知制誥充史館修撰宗正寺修玉牒官兼判太常寺兼禮儀事兼判祕閣祕書省同提舉集禧觀
公事兼提舉校正醫書所輕車都尉汝南郡開國侯食邑一千三百戶賜紫金魚袋臣范鎮

推忠協謀佐理功臣金紫光祿大夫行尚書吏部侍郎參知政事柱國天水郡開國公食邑三千戶食實封八百戶臣趙概

推忠協謀佐理功臣金紫光祿大夫行尚書吏部侍郎參知政事柱國樂安郡開國公食邑二千八百戶食實封八百戶臣歐陽修

推忠協謀同德佐理功臣特進行中書侍郎兼戶部尚書同中書門下平章事集賢殿大學士上柱國廬陵郡開國公食邑七千一百戶食實封二千二百戶臣曾公亮

推忠協謀同德守正佐理功臣開府儀同三司行尚書右僕射兼門下侍郎同中書門下平章事昭文館大學士監修國史兼
譯經潤文使上柱國衛國公食邑一萬七千八百戶食實封三千八百戶臣韓琦

知兖州錄事參軍監國子監書庫臣郭直卿

奉議郎國子監主簿雲騎尉臣孫準

朝奉郎行國子監丞上騎都尉賜緋魚袋臣何宗元

朝奉郎守國子司業輕車都尉賜緋魚袋臣豐稷

朝請郎守國子司業上輕車都尉賜緋魚袋臣盛僑

朝請大夫試國子祭酒直集賢院兼徐王府翊善護軍臣鄭穆

中大夫守尚書右丞上輕車都尉保定縣開國判食邑三百戶賜紫金魚袋臣胡宗愈

中大夫守尚書左丞上護軍太原郡開國侯食邑一千八百戶食實封二百戶賜紫金魚袋臣王存

中大夫守中書侍郎護軍彭城郡開國侯食邑一千一百戶食實封二百戶賜紫金魚袋臣劉摯

正議大夫守門下侍郎上柱國樂安郡開國公食邑四千戶食實封九百戶臣孫固

太中大夫守尚書右僕射兼中書侍郎上柱國高平郡開國侯食邑一千六百戶食實封五百戶臣范純仁

太中大夫守尚書左僕射兼門下侍郎上柱國汲郡開國公食邑二千九百戶食實封六百戶臣呂大防

目錄

卷第一	辨脈法	平脈法	卷第二	傷寒例	辨瘥濕喝脈證	辨太陽病脈證并治上	卷第三	辨太陽病脈證并治中	卷第四	辨太陽病脈證并治下	卷第五	辨陽明病脈證并治	辨少陽病脈證并治	卷第六	辨太陰病脈證并治	辨少陰病脈證并治	辨厥陰病脈證并治	卷第七	辨霍亂病脈證并治
.....
	(十一)	(十一)	(十九)	(二十三)	(二十四)	(二十九)	(二十九)	(四十五)	(四十五)	(四十五)	(五十六)	(五十六)	(六十七)	(六十八)	(六十八)	(六十九)	(七十四)	(八十一)	(八十二)
辨陰陽易差後勞復病脈證并治	辨不可發汗病脈證并治	辨可發汗病脈證并治	卷第八	辨發汗後病脈證并治	辨不可吐	辨可吐	卷第九	辨不可下病脈證并治	辨可下病脈證并治	卷第十	辨發汗吐下後病脈證并治	傷寒論後序	校後附言	附後記	第一章 張仲景事狀及著作考	第二章 王叔和與《脈經》所錄《傷寒論》考	第三章 《傷寒雜病論》六朝流傳考		
.....
(八十三)	(八十四)	(八十六)	(九十三)	(九十三)	(九十九)	(一〇〇)	(一〇〇)	(一〇〇)	(一〇五)	(一一一)	(一一一)	(一一四)	(一二五)	(二二八)	(二二八)	(二七六)	(三〇二)		

第四章 淳化本《傷寒論》(殘卷) 校注與考證
 (二四四)

第五章 敦煌《傷寒論》(殘卷) 校注與考證
 (三四四)

證

第六章 高繼冲進獻《傷寒論》本(宋本) 研究與考
 (三八八)

傷寒卒病論集^①

論曰：余每覽越人入號之診，望齊侯之色，未嘗不慨然嘆其才秀也。怪當今居世之士，曾不留神醫藥，精究方術，上以療君親之疾，下以救貧賤之厄，中以保身長全，以養其生，但競逐榮勢，企踵權豪，孜孜汲汲，惟名利是務；崇飾其末，忽棄其本，華其外而悴其內。皮之不存，毛將安附焉？卒然遭邪風之氣，嬰非常之疾，患及禍至，而方震慄，降志屈節，欽望巫祝，告窮歸天，束手受敗。賫百年之壽命，持至貴之重器，委付凡醫，恣其所措，咄嗟嗚呼！厥身已斃，神明消滅，變為異物，幽潛重泉，徒為啼泣。痛夫！舉世昏迷，莫能覺悟，不惜其命，若是輕生，彼何榮勢之云哉！而進不能愛人知人，退不能愛身知己，遇災值禍，身居厄地，蒙蒙昧昧，惙若游魂。哀乎！趨世之士，馳競浮華，不固根本，忘軀徇物，危若冰谷，至於是也。

余宗族素多，向餘二百，建安紀年以來，猶未十稔，其死亡者三分有二，傷寒十居其七。感往昔之淪喪，傷橫夭之莫救，乃勤求古訓，博采衆方，撰用《素問》《九卷》《八十一難》《陰陽大論》《胎臚藥錄》，併《平脈》《辨證》^②，為《傷寒雜病論》，合十六卷。雖未能盡愈諸病，庶可以見病知源。若能尋余所集，思過半矣。

夫天布五行，以運萬類；人稟五常，以有五藏；經絡府俞，陰陽會通；玄冥幽微，變化難極。自非才高識妙，豈能探其理致哉！上古有神農、黃帝、岐伯、伯高、雷公、少俞、少師、仲文，中世有長桑、扁鵲，漢有公乘陽慶及倉公，下此以往，未之聞也。觀今之醫，不念思求經旨，以演其所知，各承家技，終始順舊，省疾問病，務在口給，相對斯須，便處湯藥。按寸不及尺，握手不及足；人迎跌陽，三部不參，動數發息，不滿五十。短期未知決診，九候曾無髣髴，明堂闕庭，盡不見察，所謂窺管而已。夫欲視死別生，實為難矣！

孔子云：生而知之者上，學則亞之。多聞博識，知之次也。余宿尚方術，請事斯語。

① 傷寒卒病論集：「卒」，「雜」之訛，文中有「為《傷寒雜病論》合十六卷」之語。

② 《平脈》《辨證》皆為書名，疑今之「辨××脈證」等篇即是序文之《辨證》，簡稱也。

卷第一

《仲景全書》第一

辨脈法第一

平脈法第二

辨脈法

問曰：脈有陰陽，何謂也？答曰：凡脈大、浮、數、動、滑，此名陽也；脈沉、澹、弱、弦、微，此名陰也。凡陰病見陽脈者生，陽病見陰脈者死。

問曰：脈有陽結、陰結者，何以別之？答曰：其脈浮而數，能食，不大便者，此爲實，名曰陽結也，期十七日當劇。其脈沉而遲，不能食，身體重，大便反鞭^①，音硬下同名曰陰結也，期十四日當劇。

問曰：病有洒淅惡寒，而復發熱者何？答曰：陰脈不足，陽往從之，陽脈不足，陰往乘之。曰：何謂陽不足？答曰：假令寸口脈微，名曰陽不足，陰氣上入陽中，則洒淅惡寒也。曰：何謂陰不足？答曰：尺脈弱，名曰陰不足，陽氣下陷入陰中，則發熱也。陽脈浮一作微，陰脈弱者，則血虛，血虛則筋急也。其脈沉者，榮氣微也。其脈浮而汗出如流珠者，衛氣衰也。榮氣微者，加燒鍼，則血留不行，更發熱而躁煩也。

脈藹藹如車蓋者，名曰陽結也。一云秋脈。

脈累累如循長竿者，名曰陰結也。一云夏脈。

脈瞥瞥如羹上肥者，陽氣微也。

脈縈縈如蜘蛛絲者，陽氣衰也。一云陰氣。

脈綿綿如瀉漆之絕者，亡其血也。

脈來緩，時一止復來者，名曰結。脈來數，時一止復來者，名曰促。一作縱脈陽盛則促，陰盛則結，此皆病脈。

① 鞭：《玉函》卷二、《敦煌殘卷》併作「堅」，隋文帝名「堅」，故以「鞭」或「鞞」避之。「鞭」(ying 硬)同「硬」，堅也。

陰陽相搏，名曰動。陽動則汗出，陰動則發熱。形冷惡寒者，此三焦傷也。若數脈見於關上，上下無頭尾，如豆大，厥厥動搖者，名曰動也。

陽脈浮大而濡，陰脈浮大而濡，陰脈與陽脈同等者，名曰緩也。

脈浮而緊者，名曰弦也。弦者，狀如弓弦，按之不移也。脈緊者^①，如轉索無常也。

脈弦而大，弦則為減，大則為朮，減則為寒，朮則為虛，寒虛相搏，此名為革，婦人則半產漏下，男子則亡血失精。

問曰：病有戰而汗出，因得解者，何也？答曰：脈浮而緊，按之反朮，此為本虛，故當戰而汗出也。其人本虛，是以發戰，以脈浮，故當汗出而解也。若脈浮而數，按之不朮，此人本不虛，若欲自解，但汗出耳，不發戰也。

問曰：病有不戰而汗出解者，何也？答曰：脈大而浮數，故知不戰汗出而解也。

問曰：病有不戰不汗出而解者，何也？答曰：其脈自微，此以曾發汗，若吐、若下、若亡血，以內無津液，此陰陽自和，必自愈，故不戰不汗出而解也。

問曰：傷寒三日，脈浮數而微，病人身涼和者，何也？答曰：此為欲解也，解以夜半。脈浮而解者，濺然汗出也；脈數而解者，必能食也；脈微而解者，必大汗出也。

問曰：脈病欲知愈未愈者，何以別之？答曰：寸口、關上、尺中三處，大小浮沉遲數同等，雖有寒熱不解者，此脈陰陽為和平，雖劇當愈。

師曰：立夏得洪一作浮大脈，是其本位，其人病身體苦疼重者，須發其汗。若明日身不疼不重者，不須發汗。若汗濺濺自出者，明日便解矣。何以言之？立夏脈洪大，是其時脈，故使然也。四時倣此。

問曰：凡病欲知何時得，何時愈。答曰：假令夜半得病者，明日日中愈；日中得病者，夜半愈。何以言之？日中得病夜半愈者，以陽得陰則解也；夜半得病，明日日中愈者，以陰得陽則解也。

寸口脈浮為在表，沉為在裏，數為在府，遲為在藏。假令脈遲，此為在藏也。跌陽脈浮而濇，少陰脈如經者，其病在脾，法當下利。何以知之？若脈浮大者，氣實血虛也，今跌陽脈浮而

① 脈緊者：日本楓山秘府藏宋本「緊」作「陰」，北京圖書館藏宋本作「緊」，是。